

道法會元卷之一百七十三

卅三

道法會元卷之一百七十三

元應太皇府玉冊

返真篇

人精神未期空散無疾而遽終者先啓斗
闕及關地司以緋線九尺札桃木三寸於

卒死人左手中以素帛丹篆返真符覆其
尸次於其床下以瓦盆貯水一斗七升次用
青竹六尺懸白幡一首書卒死人年月日
時姓名幡後亦書返真符師執之丁罡三

步望癸地掐紫微訣歌曰

陰靈來我藩 陽神反汝殘 北斗天蓬勅

玄武開陰關

誦七遍每一遍呼某甲名以藩召入其尸

所再呪曰

元亨利貞 魂神皈形 五藏萬靈 不受死經

印三

回尸返神 永保康寧 急急如北帝勅

引罡炁剔訣于藩上未甦再召如初法人
之祖考未生陽界者可召之倘非德業
虛白未足與議也應回尸起死若非文始
之真未能回骸度人妙在師心誠出卒人

之家兼尸鬼素無惡逆冤對此三者俱備
必致返真感通矣

返真二呪


三部神生八景已明吾今召汝理神還魂急
急如北帝勅

返真符



混元追生魂法

北斗真元攝天玄地聖攝天聖地玄攝北帝
追覓攝真武將軍行法攝大禁神勅攝雲電
北帝攝九遊真聖攝衛靈神降真攝天聖地
聖攝六丁六甲收覓攝



右法治誤死枉死卒死但心頭稍煖者可
治用黃紙比中指中節念一十一句呪寫
成六甲六丁字燒灰男左女右吹鼻中令

人耳邊叫小名北斗炁玉皇訣

上道策詞

上樂之虛抱玄入白寶妄相融元真不隔祥
發五華煙纏九室

六合應三雲八景回二赤策蓋廣寒庭飛神

洞濠宅

印三

二

右此策詞言無韻麗難測其淵宗會上經
貫明三道惟宅心靈宇者可造其微夫靈
鈞廣推所以調六炁也琴心三疊所以舞
胎仙也是真道以虛靜為本玄白以合和

為根若以至虛合和則天籟自鳴若以至
靜養神則空歌自奏乘斯虛靜之勢抱玄
入白實妄相融仙凡之有間哉凡真既無
間隔則真道日可成矣未有內無真而致
真自來內無妙而致妙自應也煙纏九室
者能混萬神於九變則辟非滿於泥九祥
發五華者能招灑氣於三田則華植於紫
戶然後三素之雲翳鬱於六合之宮八景
之神朗朗於二赤之部遐則九載邇則三
秋策駟北蓋神飛倒景嘯命千靈宴謁紫

宸非霄邈之才真人之儔何能造其微哉
玄白之道頓漸有二精符一妙功無毫厘
且玄一虛室生白之道乃知白守黑求死
不得是也上道守玄白之法是知白見黑
忘形坐守者是也策內雖載其微守之者
未去顯心則無冀其驗犯之者留意黃赤
則必有其殃顯灑氣三素亦畧得明其萬
一餘皆天真秘禁不敢輕露能者見前門
庭其堂室可造矣

青靈真人守玄白之道


真人曰守玄白之道坐卧任意存泥丸中
有黑炁心中有白炁脐中有黄炁如絲漸
漸如雲以覆身因變成大火燒身通洞内
外如一自早行次達于午便使人長生犯
色立死

雲林夫人三素之道

夫人曰仙真之道以耳目為主視色則目
暗廣憂則耳閉北病從内而外奔也非復
有他至半夜先開目東向以手大指背各
左右拭目就耳門再使兩掌交會於頂中

三九過存目中常有紫青絳三色雲炁出
目前此是內按素雲以灌童子陰呪曰
眼童三雲 兩目真君 英明注精 開通精神
太玄雲儀 雲嬌翩翩 保制雙關 啓徹九門
百節應響 朝液真身 上升玉宮 列爲上真
呪畢嚥液五十過久爲之徹視十里此真
仙之道不獨耳目矣

徹視符



灑氣

灑氣真人君曰子後午前面南或正東坐
以舌撞右頰生金液九撞一嚥九嚥而止
次以舌撞左頰生玉液七撞一嚥七嚥而
止次舌右邊直下生靈漿八撞一嚥而止
左上下齒邊外生神水十八撞一嚥二嚥
而止次右上下齒邊外生瓊華十八撞一
嚥二嚥而止次上腭生灑氣三十六撞一
嚥而止次掐子文上閉息存心火下丹田


如碧海衝開浮出天珠案大如珠一云朱案大
良久水開透下臍下往丹田去再閉炁一
食久三十六日退穢除積便身輕顏悅百
疾皆愈

五將法

印三

都統符

五



鍾師符

寶權符

寶權符

伯拒符

伯拒符

兵侯符

兵侯符


資寶符

資寶符

日魂符

日魂符

月魄符



右天蓬符可以變神炁及牒都統用都統
符可以蕩非孽五將符附諸關引亦可吞
佩却邪七元符醮斗書黑幡扞燈上返真

符追鬼用日鬼符伏狂邪月鬼符度孕厄
應篆符觀靜炷煙啓詞書訣目竟當還真

推月直所統

鍾師主春木旺七十二日寶耀主夏火旺

七十二日伯拒主秋金旺七十二日兵侯

卯三

主冬水旺七十二日資寶主四季土旺各

六

一十八日

又直時者

推日用交
相差使

鍾師主丁壬寶耀主戊癸伯拒主乙庚兵

侯主丙辛資寶主甲巳

或於日時中發月
直時為辰辰皆惠

訣目

紫微印亦名伏魔印反寬用以左手小指從

定四指左邊上節直二指

二景印書日月二符用以左右手中指各入大指下相底如環次交兩手二指直

四指
五指

元帥印發五將及使用以左手二指入大指根大指掐中指節

鐘師卯寶耀文午伯拒文酉資寶文申兵侯文子

以上書月直符用每將直七十二日餘十

八日資寶所統也或於時中發月直符佩

帶亦可

召都統印兩手大指二指中節右已上

並用天蓬呪
約置杰呼之

關式

元應太皇府

今據某詞稱某事投勾驅治保安者

右關某將吏并部下神吏等眾請火急徑詣

某處收捕邪識付所屬正祠通吐禍害因由

依律治罪以明

天憲毋致留滯故關

具 年 月 日 時 關

具法位姓押

牒式

元應太皇府

牒

一炁都統大將軍

都統符

據某處某人投詞為某事得此今與依法

行文者

牒候到請將帶吏兵等眾徑詣某處收捕邪

精赴天一北獄依

法治罪毋致違滯故牒

年 月 日 時 牒

九天上輔北極天蓬大元帥真君

右真君銜下篆天蓬符用天蓬印封皮亦

用天蓬印不用謹封二字啓聞元帥靜夜

以金錢化之若故炁小妖只關月直不用

此牒凡篆都統符及五將符北向燃香依

中三

法訣目凝神視其丹筆書之呪曰

筆行神行魁罡散靈辟恠除病保合利貞急

急如律令引罡炁繞筆成符
隨其符存神也

太上除妖怪治邪殺鬼鷹犬章

具職位其誠惶誠恐稽首頓首再拜

上言謹據某貫入意及鬼禍因依云若不
披露丹誠歸投

大道救拔必致凶邪枉害死於鬼妖之手
臣承皇民詞訴看詳兇怪強邪無由解治
縱肆毒害不懼

太上正教理宜除翦肅清以明

天憲謹伏地貢章一通上請

三天曹治上請

北斗天罡萬丈神王威劍神王精騎五斗

大神五湖大神火鈴大將軍五雷使者飛

鷹走犬使者北方天蓬三十六大將黑
衣兵士聳兵啞將無面目大將軍斗中天醫
治病神吏一合下降病家四布圍繞上張
天羅下布地網斷除為禍鬼崇收擒作害
邪精辟斥故炁掃蕩妖氛送往

印三

九

天一北獄依

律治罪施行救治病人邪炁淨出五臟收
攝魂魄却返三宮添益壽筭落滅災迤勅
制地祇鎮護家門恩惟

由上章吏衆請

太上分別求哀臣愚謹因二官直使正一

受事功曹左右官使者陰陽神訣吏科車
赤符吏剛風騎置吏驛馬上章吏飛龍騎
吏傳言金童侍香玉女飛玄衛真上使傳
言奏事仙吏左右龍虎君各二人出操臣
爲某拜上某章上詣

三天曹門下上達伏須

告報臣誠惶誠恐稽首頓首再拜以

聞

太前空三行

臣姓某係某觀立某壇靖焚修


空三行

太清太極宮太上老君道德天尊道前


空三行

太歲 年 月 日於某家拜上

飛鷹符



走犬符



結盟戒

持元皇十戒百日齋心列帛於華晨之下
魚鴈禮天瀝懇投詞盟天告戒然後起檢

印三

以付之庶幾珍貴也其結盟之物賑濟不
足或投之名山或得其人則不待金帛而
後傳也

精思式

元帥真君靈姿高秀赤羽飛衣雲錦丹裳攝

統方維執玉戟持印四面八臂也啓詞當
存尊形首建華宸冠佩流金火鈴素羽飛
雲之裳仗三昧火鈴總輪上宿光回諸天
書符請炁存月直五神五色繡衣朱幘金
甲都統大神玄冠黑幘緋衣金甲吏兵朱
衣甲鎧秀質罡魁俄造之有倏化而無應
念尋聲無遠弗屆

元帥下降日

甲子 丙寅 庚午 辛未 甲戌 庚辰
癸未 丙戌 庚寅 壬辰 癸巳 乙未

丙申 丁酉 辛丑 壬寅 辛亥 壬子

癸丑 甲寅 丙辰 丁巳 己未 庚申

時直主者

登明將宗吾元亥時 河魁將何宴卿戌時

從魁將崔忠權酉時 傳送將高宗立申時

印三

十一

小吉將胡宗旦未時 勝先將劉惠舉午時

太一將秦旻文巳時 天罡將閻道宗辰時

太衝將牛清卿卯時 功曹將徐宗祐寅時

大吉將馬德輝丑時 神后將夏士廉子時

元應太皇府法至此而終近世別本又增

以變神訣啓請呪等說皆言辭鄙俚顯然
大不出一手雜亂上法溷玷神文大為不便
大及有火繩符成敗法并鬼管法亦皆非出
大此書今並行削去況五元玉冊悉是至人
小流傳委非雜術常法之比如董大仙以天
蓬法脩用成真邇來世傳其法皆逐時增
添混雜正典已與五府正法相遠此書元
有者不宜隱藏秘妙以誤後人若其所無
者不可妄增淆雜以穢正典學者各以教
法為念同寶愛之幸甚金允中謹書

道法會元卷之一百七十三



